



# Պարույր Սևակ

## Դարակների հիմնը

1.

Առաջներում մերպեսներին

Այրում էին խարույկի մեջ...

Հիմա պիտի խարույկ վառենք մենք ինքներըս,

Խարույկ՝ մեզնո՛վ:

Աղբ կրակ է հանգցրնում:

Բայց մենք պիտի մեր կրակով աղն էլ վառենք,

Որ ավելի բոցավառվենք,

Այնպե՛ս վառվենք,

Որ չմնա նույնիսկ մոխիր ու մնացորդ...

2.

Առաջներում մերպեսներին

Կա՛նք քառատում, կա՛նք սպանում էին դանդաղ՝

Մեր մարմնի մեջ ցից խրելով,

Ինչպես քորոցն են մխրճում

Թիթեռնիկի եղա՛ծ-չեղած մեկ օրվա մեջ...

Հիմա պիտի մենք ինքներըս հանգիստ նստենք

Հեռուստացույց-աշտարակի բարձրը ցցին,

Որպեսզի մեր սուր դեմքերով ու խոսքերով

Մենք ինքներըս ցզվենք-մնանք

Ողջ մարդկության ականջներում ու աչքերում՝

Իբրև նշտար ապաքինման,

Իբրև ասեղ սրկումի...

3.

Առաջներում մերպեսների ականջն էին հատում հիմքից,

Կտրում ձեռքը, կտցում աչքը, հատում լեզուն

Կամ ճակատին խորատպում անջինջ խարան՝

Համարելով մեզ չար կախարդ,

Սուտ մարգարե:

Իսկ մենք հիմա պիտի արձակ ու համարձակ

Վերադառնանք վաղնջական մեր արհեստին՝

Դառնանք կախարդ... մեր բարությունք,

Գեղեցիկի ու վսեմի նոր հարությունք,

Եվ մարգարե դառնանք իրոք՝

Ա՛յն անվանի և անանուն խոտերի պես,

Որ զգում են մոտալուտը արեգակի,

Եվ կամ թե չէ ա՛յն գազանի մաշկի նման,

Որ փոխվում է՝

Եղանակի փոփոխումը նախզգալով...

4.

Առաջներում մերպեսներին նայում էին,

Ինչպես նայել ու նայում են բորոտներին:

Եվ, ճիշտն ասած, մենք իսկապես

Բորոտներ ենք, սակայն... ներսից:

Թաքուն տենդից, ցուրտ առնելուց

Դուրս է տալիս շուրթը ոմանց,

Իսկ մեր՝ ներսը,

Իսկ մեր՝ հոգին:

Կարմիր-կարմիր բշտիկներով

Մենք պատված ենք ներսից այնպես,

Ինչպես հոնի աշնանային ծառը դրսից:

Մեր ներսն ամբողջ ասես լինի համակ խտուտ,  
Ինչպես կուրծքը նորահարսի:  
Քոր է գալիս մեր ներսն ամբողջ...  
Ու... մեր ներսով - ներաշխարհով  
Մենք քսվում ենք ու քսքսվում  
Ողջ աշխարհի ելունդներին,  
Բարի ձեռքին մարդկայնության,  
Միրո սուր-սուր եղունգներին  
Եվ ցասումի սանրին քերող...

5.

Սոխի գլխի տեղ էին մեզ դնում հաճախ:  
Մենք, որ սոխի գլուխ չէինք բոլորովին,  
Մենք նման ենք սոխի գլխի լոկ այնքանով,  
Որ նրա պես բազմաշերտ ենք, բազմափաթեթ:  
Եվ մենք հիմա մեզ ինքներըս  
Պիտի բացենք հոժարակամ,  
Բացենք շե՛րտ-շե՛րտ, փաթե՛թ-փաթե՛թ,  
Երբ որ պետք է՝ թեկուզ կծու սոխի՛ նման,  
Երբ որ պետք է՝ արդեն ծաղկի կոկոնի՛ պես:  
Պիտի բացվենք հոժարակամ  
Փաթե՛թ-փաթե՛թ ու շե՛րտ առ շե՛րտ,  
Մինչև հասնենք մեր միջուկին՝  
Ինչպես մայրերն են սպառում իրենց կաթը,  
Մինչև իսպառ մենք սպառվենք,  
Ինչպես այրերն են սպառում  
Որդեսերման գորությունը...

6.

Կան խայտառակ ժամանակներ,  
Երբ մարդ եթե իր բերանին կապ չի դնում,  
Ապա նրա ձեռք ու ոտքին

Ուրիշներն են դնում կապանք:  
Մենք մեր լեզվի կապն ենք կտրել,  
Որովհետև, ճիշտ է, լեզուն չունի ոսկոր,  
Բայց կարող է... ոսկո՛ր ջարդել,  
Նաև կապա՛նք ձեռք ու ոտքի:  
Մենք, որ մարդ ենք ծնվել մորից,  
Ո՛չ, չենք ուզում դառնալ նորից  
Ինչ-որ ընծուղտ երկարավիզ ու բծավոր,  
Մենք չենք ուզում դառնալ ընծուղտ,  
Որ վիզներըս չերկարացնենք  
Դեռ չեղած ու չլինելիք  
Բան տեսնելու հիմար հույսով:  
Մենք չենք ուզում ընծուղտ դառնալ,  
Որ մեր մաշկին անհուր աստղեր չդաջոտեն՝  
Մեզ դարձնելով մի սուտ երկինք:  
Եվ չենք ուզում ընծուղտ դառնալ,  
Որովհետև ընծուղտ կոչված այդ վիթխարին  
Ո՛չ մի անգամ ամբողջ կյանքում  
Ձայն ու ծպտուն չի՛ արձակում...  
Մենք ուզում ենք գործի լեզո՛ւն,  
Բայց ո՛չ իբրև երկանք ստի  
Ու ջրադաց խաբեություն:  
Դժվար բան է սուտ ասելը,  
Բայց սուտ ասելն ավելի է հեշտ ու դյուրին,  
Քան թե անվերջ սուտ լսելը:  
Ռետինսաճև սուտ ծամելուց մենք զգվել ենք:  
Լավ ապրանքը ինքն է ծախվում,  
Ու վատն է, որ պիտի գովես:  
Իսկ մենք դեմ ենք ամե՛ն տեսակ փերեզակի...  
Մենք ծնվել ենք, աշխարհ եկել,

Ո՛չ թե թվալ - երևալու խաբեությամբ,  
Այլ լինելու՛,  
Ա՛յն լինելու, ինչ կանք իրոք:  
Մենք ծնվել ենք, որ մարդկության  
Հագար ու մի «ինչու»-ներից գոնե մեկի  
Հարցապնդող աչքում մխենք  
Մեր գոնե մե՛կ պատասխանը  
Եվ դրանով գոնե մաս-մաս վերադարձնենք  
Օտարացվող էությունը մեր մտքերի,  
Որ չխամրեն սրանք այնպես, կարծես իսկույն  
Չորացնում են ծծողական կոչվող թղթով  
Եվ մեզ տրված մեծությունից  
Թողնում միայն մի ճնրոթված թղթի կտոր,  
Որ կոչվում է «Ստացական»...

7.

Հարյուր տարին մեկ են ծնվում մեծություններն այս աշխարհի,  
Բայց ամեն օր հարյուր մեծ է գալիս աշխարհ.  
Ծնվում են մեծ, բայց չեն թողնում, որ դառնան մեծ:  
Մենք ծնվեցինք...  
Ու սնվեցինք  
Շատ ավելի «ալելույա-օվսաննա»-ով,  
Քան թե հացով սովորական...  
Ճարպոտ մուժն էր վարագուրում  
Կիսաքաղցի մեր աչքերը:  
Փայտոջիլներն էին կծում ու կծոտում  
Երագները մեր անմարմին:  
Բայցևայնպես մերպեսները կարողացան  
Պատիվն իրենց պահել ճերմակ  
Եվ խիղճն իրենց պահել մաքուր՝ աղի նման,  
Որովհետև մերպեսները

Նախընտրում են գրկվել գլխից,  
Քան խոնարհել գլուխն իրենց նրա՛նց առաջ,  
Ովքեր լուրջ-լուրջ փորձ են անում  
Ուղեղ հատել՝ դրամի պես  
Ու միտք դաջել՝ լաթի նման:  
Մերպեսները, ո՛չ, երբևէ  
Ծունկ չեն ծալում կուռքի առաջ  
Եվ չեն հանում իրենց աչքը ա՛յն պատճառով,  
Որ այդ կուռքը, կիկլոպի պես, մեկ աչք ունի:  
Շա՛տ-շա՛տ՝ նրանք կկոցում են մեկ աչքն իրենց,  
Որ... ավելի հեռո՛ւն տեսնեն ու պա՛րզ տեսնեն:  
Բայց սիրում են նրանք իրենց ծունկը ծալել՝  
Անտանելի ցավն աշխարհի  
Որևէ կերպ բարձրացնելու  
Եվ արևի կիզարանում մոխրացնելու նպատակով:  
Բայց սիրում են նրանք իրենց ծունկը ծալել՝  
Գեղեցկության մերկ ծնկներին շուրջվելո՛ւ,  
Հողի տաքուկ բուրմունքի մեջ լուռ հալվելո՛ւ,  
Մանուկների աչքերի մեջ նկարվելո՛ւ երագանքով...  
Մենք թռչուն չենք,  
Որ մի կաթիլ ջուր ընկելով՝  
Կտուցներըս անմիջապես երկինք տնկենք:  
Ով ուզում է իր ջուրն ընկել աղբըրակից,  
Նա չի՛ կարող շխոնարհվել,  
Նա չի՛ կարող ծնկի չգալ:  
Եվ չի՛ կարող շխոնարհվել,  
Ու չի՛ կարող ծնկի չգալ՝  
Ով ուզում է նայել խորքը ջրհորների,  
Որոնք նույնպես ուրիշ բան չեն,  
Քան թե կուռքեր՝

Արձանները ա՛յն աղջամուղջ-մթնշաղի,  
Որ ներաշխարհ կամ հոգի է կոչվում դարեր:  
Եվ մերպեսներն ա՛յդ կուտքին են երկրպագում,  
Խոնարհվում ու ծնկի գալիս  
Ա՛յդ կուտքերի առաջ միայն՝  
Նրանց մթին հայելու մեջ  
Իրենք իրենց ճանաչելով...

8.

Ու գալու է մի ժամանակ,  
Երբ որ պիտի մարդիկ նաև մերպեսների՛ն երկրպագեն՝  
Ոչ կուտքի՛ պես,  
Ո՛չ էլ աստծու,  
Այլ... հերոսի՛,  
Որովհետև մենք լավ գիտենք,  
Որ շատ հաճախ  
Բռունցքով ենք զարկում մեխի ծակող ծայրին,  
Մեր բռունցքով՝ մուրճի տեղակ:  
Բայց դրա հետ գիտենք նաև.  
-Բռունցքը չէ,  
Որ սարքվել է մուրճի ծանոթ օրինակով,  
Այլ մուրճն է հենց,  
Որ սարքվել է մեր բռունցքի նմանությամբ:  
Ու մենք գիտենք.  
-Եթե քամին  
Ընդամենը մեր մազերի հետ է խաղում,  
Ապա ինքը եղանակը խաղ է անում... մեր գլխի՛ հետ:  
Բայց աստղերը իրենց կլոր - ճերմակ սանրով  
Հանգստարար շարժումներով ամեն անգամ  
Հարդարում են քամուց զգված մեր մազերը  
Ու դրանով հավատացնում իրենց ու մեզ,

Որ առայժմ... մեր գլուխը իր տեղումն է...  
Այս հավատով ու հույսով է, բարեկամըս,  
Որ աշխարհում մերպեսները ամեն գիշեր  
Աղքատ քնում ու զաթնում են հարստացած...

18-20.XI.1963թ.

Երևան